



VI. INSOMNIO DE PAISACHES INBENTAUTS

Y me s'han feito as tres d'a maitinada.
 Dica agora, de memoria n'a cama,
 me soi estau esfollando tremonzillo,
 cubrindo d'azul os teitos,
 ubrindo foratos n'as paréz
 t'aguaitare corredors sin de mugas
 y pasaizos entre pins y faus d'agüero.
 Me soi estau escurriendo ta tu
 musicas de paxaros contra l'aire,
 parabras de cotón con cualas embolicá-te,
 paisaches de colors ocre y tierra roya...
 Me soi estáu escachando as paréz de casa,
 correndo espullaú sobre o gudrón
 dica tú...
 Y soi i-plegau con as mans emplidas
 de musicas, parabras y paisaches
 que t'ofrezco
 sin izi-te cosa.

VIII GALERADAS